

肝胆部

杭州圖書館



驚悸怔忡

產驚悸

心驚悸動

痰

動而不寧也

丹怔忡大驚屬血虛與痰 有慮便動者屬虛 時作時

止者痰因火動 瘦人多是血虛 肥人多是痰飲

真覺心跳者是血少宜四物安神之類

治勞役心跳大虛症

硃砂一錢 歸身

白芍

側柏

川芎各五錢

陳皮 甘草

黃連各三錢

右用猪心血為丸

六脈俱大按之空虛必面赤善驚上熱乃手少陰心之

脈也此氣盛多而亡血以甘寒鎮墜之劑瀉火與氣以墜

氣浮以甘辛溫微苦峻補其血熱地黃生地黃柴胡升麻

白芍藥牡丹皮川芎黃芪之類以補之以防血溢上竭

鎮墜之劑謂丹砂之類

杜林學士本南人歷內地為官有一子甚端嚴而聰敏父

母愛之居常喜食海蛤飲食之頃未嘗不設至十八年忽

面色頓青形體瘦削夜多驚悸皆謂勞瘵之疾百療不瘳

遂召杜脈之杜曰非病何以知之蓋雖病削面青精神不

減問學院子秀才好食甚物曰多食南海中味杜曰但多

服生津液藥病當自愈如是經兩月面色漸有紅潤意夜

亦無驚悸林學士延杜而問曰醫師之驗久聞世名願聞

此病所以杜曰王水素問曰鹽發渴乃勝血之証海味皆

鹹物既多食海味使心血漸衰則夜驚悸今既去鹹用生

津液之藥人且少壯血液易生面色漸有紅潤此疾去乃

安矣衆醫以爲勞瘵非其治也

水停心下必悸

仲食少飲多水停心下甚者則悸微者短氣飲水多必心下悸

無五飲停畜閉於中脘最使人驚悸屬飲家

時作時止者痰因火動

温膽湯治心膽虛怯觸事易驚或夢寐不祥遂致心驚膽懾氣鬱生涎延與氣搏變生諸症或短氣悸忡或復自汗

膽虛不能致脾則脾之水飲作矣

半夏湯洗 竹茹 枳實炒各二兩 橘皮二兩去白

甘草炙一兩 白茯苓一兩五錢

右爲剉散每服四大錢水一盞半薑五片棗一枚煎七分去查食前服

仲心下悸者半夏麻黃丸主之

半夏 麻黃等分

右二味爲末煉蜜和丸如小菟大飲服三九日三服

醫學綱目卷三

茯苓甘草湯方見傷寒悸

驚屬肝心脾

葶東方青色入通於肝其病發驚駭全價真言論

脾移熱於肝則爲驚血病傳變見診

一陽一陰發病主驚駭背痛善噫善欠者名曰風厥見診

三陽一陰太陽脈勝一陰不得止內亂五臟外爲驚駭陽

論類

臥而驚者肝

本珍珠九獨活丸並治臥驚悸多魘二方並見不得臥○經云臥則血歸於肝

今血不靜臥不歸肝故驚悸於臥也

東羌活勝濕湯治臥而多驚悸多魘溲者邪在少陽厥陰

也加柴胡五分如淋加澤瀉五分此下焦風寒二經合病

也經曰腎肝之病同一治爲俱在下焦非風藥行經不可

也羌活勝濕湯方見腰痛

諸病疹酸驚駭皆屬於火全文見診

丹病自驚而得者則神出其舍舍空得液則成痰也血氣

入舍則痰拒其神不得歸焉控涎丹加辰砂遠志

因驚成悸者病在心膽

無驚悸因事有所大驚而成者名曰心驚膽寒病在心膽經其脈大動動脈如豈厥厥動東垣碌砂安神丸方見頰垣云外物驚宜鎮平以黃連安神丸是也

無鎮心丹治驚悸

辰砂用黃松節酒浸 龍齒用遠志苗醋煮

右只取辰砂龍齒各等分為末猪心血為丸如芡實大每服一九以麥門冬葉豈豈燈心白蜜水煎豈熟為度臨臥咽下小兒磨化半九量歲數與之

世蜜陀僧散治驚氣入心絡不能語者昔有為狼及大蛇所驚皆以此而安用蜜陀僧研極細末茶調一錢七一服即愈

無寒水石散治因驚心氣不行鬱而生涎結為飲遂為大疾忪悸墮懷不自勝持少遇驚則發尤宜服之

寒水石煨 滑石水飛各一錢 生甘草一錢

右為末每服二錢熟則新汲水下怯寒則薑棗湯下加龍膽少許尤佳

子和衛德新之妻旅宿樓上夜值盜劫人燒舍驚墜床下自後每聞有響則驚倒不知人家入輩躡足而行莫敢冒觸有聲諸醫作心病治之人參珍珠及定志丸皆無効戴人見而斷之曰驚者為陽從外入也恐者為陰從內出也驚者為自不知也恐者為自知也足少陽膽經屬肝木膽者敢也驚怕則膽傷矣乃命侍女執其兩手按於高椅上坐當面前下置一小几戴人曰娘子當視此一木猛擊之其婦人大驚戴曰我以木擊几何必驚乎伺少停擊之驚

少緩又斯須連擊三五次又以杖擊門又暗遣人擊背從之窻徐徐驚定而歎曰是何治法戴人曰內經云驚者平之平者常也常見必無驚是夜使人擊其門窻自昏昏達曙熟臥不聞夫驚者神上越也從下擊凡使之下視所以收神也一二日雖聞雷亦不驚德新素不喜戴人至是終身敬服

仲灸甘草湯治脈結代而悸方見傷寒

丹驚悸定志丸加琥珀鬱金

鑑定志丸治心氣不足驚悸恐怯

菖蒲炒

遠志去心

茯苓各二兩

人參一兩

辰砂為衣

右為木蜜丸如桐子大每服五十九米湯下一方去茯神名開心散服二錢七不時

醫學綱目卷三

四

不安神鎮心治驚悸消風痰辰砂遠志丸

石菖蒲

遠志

人參

茯神

川芎

山藥

鐵粉

麥門冬

天麻

半夏

南星

白茯苓生各一兩

細辛

辰砂各半兩

右為細末生薑五兩取汁入水煮糊丸如棗大另以硃砂為衣每服二十五丸夜臥服生薑湯下小兒減服

茯苓丸

石菖蒲

辰砂

人參

遠志

茯苓

真鐵粉

茯神

南星牛膽製

半夏麴等分

右為細末生薑四兩取汁和水煮糊丸如桐子大別用細末為衣乾之每服十粒加至二十粒夜臥生薑湯下

上方療驚良驗

開木音則驚屬胃

胃足陽之脈是動則病聞木音則惕然而驚欲動

素陽明所謂甚則惡人與火聞木音則惕然而驚者陽氣

與陰氣相搏水火相惡故惕然而驚也脈解○黃帝問曰

足陽明之脈病惡人與火聞木音則惕然而驚鐘鼓不為

動聞音而動何也岐伯曰陽明者胃脈也胃者土也故聞

木音而驚者土惡木也陽明脈解篇

痰飲驚悸屬脾

痰飲驚悸屬脾土

見前痰飲錄

運氣

運氣驚悸有三

一曰肝木不及金來乘之經曰木不及曰委和委和之紀其發驚駭又云陽明之復則入肝驚駭筋攣是也

二曰火邪助心經云少陽所至為驚惑又云少陽所至為驚躁又云少陽之勝善驚是也

醫聖綱目卷三

五

三曰寒邪傷心經云歲水太過寒氣流行病煩心躁悸是也

按經云陽氣者開闔不得寒氣從之乃生大癩陷脈為癭留連肉腠俞氣化薄傳為善畏及為驚駭者是癭瘡所為之驚駭也蓋俞則癭瘡之俞竅其痛氣留連肉腠之間恐人觸着而痛故化惕惕然之心內薄而傳為善畏驚駭之疾也

針灸

撮心燦燦跳動少衝瀉之灸立効

甲驚善悲不樂如墮墜汗不出面塵黑病飢不欲食照海主之○膽寒怯寒厥手臂痛善驚妄言面赤泣出液門主

之○善驚悲不樂厥脛足下熱面盡熱盜渴行間主之

素肝脈驚暴有所驚駭大奇論王註云驚謂馳驚言迅急也○二陽急為驚

全○白脈之至也喘而浮上虛下實驚有積氣在胸中名

診

曰肺痺寒熱全文見續 陽明瀆則病積而善驚

仲寸口脈動而弱動即為驚弱即為悸

脈驚主病者其脈止而復來其人目瞤不轉不能呼氣

病有因驚生四 仲病有奔豚有吐膿有驚怖有火邪此四病皆從驚發得

之

產驚悸

因七寶散產後服之安神壓驚

辰砂研 桂心 當歸 川芎

人參 白茯苓 羚羊角燒存性 各二錢

乾薑一錢 炮

右為末每服一錢用羌活豆淋酒調下如不飲酒漬米

水飲調下 如心煩熱悶以麥門冬去心煎湯調下減

薑桂 如心下煩悶而痛用童便酒調下 如腹痛加

八寶學綱卷三

六

當歸 如心悶加羚羊角 如心虛氣怯加桂心 不

下食或惡心加人參 虛顛加茯苓

溼大効牡丹皮散治血藏虛風及頭目不利不思飲食手

足煩熱肢節拘急疼痛胸膈不利大腸不調陰陽相干心

驚怯悸或時旋運

牡丹皮 川芎 枳殼麩炒各一兩 陳皮

玄胡索 甘草 羌活 半夏湯洗各半兩

木香三分 訶子肉二分 芍藥三分 三稜炒半兩

乾薑五錢 炮 當歸半兩 白朮炒三錢 桂心五錢

右為細末每服二錢水一盞半煎五七沸食前溫服益

血海退血風勞攻注消寒痰實脾胃理血氣攻刺及氣

虛惡寒潮熱証至妙

大治產後中風心忪悸志氣不定恍惚語言錯亂

人參分六 羚羊角屑 麥門冬 茯神各八分

茯苓 白蘚皮 甘草各四分 石膏二分

淡竹瀝兩大合

右咬咀用水二升煎至七合下竹瀝分三服

心澹澹動

厥陰病心澹澹大動

澹澹因痰動也心澹澹動者謂不怕驚而心自動也驚恐亦曰心中澹澹恐謂怕驚而心亦動也

其澹澹自動之病屬二經一屬心主手厥陰病經云心主手厥陰之脈是動則病心中澹澹大動面赤目黃喜笑不休視盛虛寒熱陷下取之是刺灸之法也又曰太陽司天寒淫所勝病心澹澹大動胸脇胃腕不安治以甘熱是運氣之寒傷心主也○其二屬少陽病經云一陽發病少氣善欬善噫其傳為心掣是也掣尺制反曳也

少陽病心掣

入醫學綱目卷三

七

怒

怒在陰陽為陰閉遏其陽而陽不得伸也經云陰出之陽則怒又云血并於上氣并於下心煩寃善怒東垣云多怒者風熱陷下於地是也○怒在臟腑所屬經在臟為肝在志為怒又云肝藏血血有餘則怒又云膽為怒是也

丹治怒方

香附末六兩 甘草末一兩

右和勻白湯調服五錢

經皆屬木太過

運氣怒皆屬木太過經云木太過曰發生發生之紀其病怒又云歲木太過風氣流行甚則善怒又云歲土不及風反大行民病善怒是也○怒在禁忌多生厥逆經云陽氣者大怒則形氣絕而血菀於上使人薄厥又云暴怒傷陽又云怒則氣逆甚則嘔血及衄泄是也

善太息

太息皆屬燥邪傷膽經云陽明在泉燥淫所勝病傷膽

善太息又云陽明之勝太息嘔苦又云少陰司天地乃燥
妻愴數至脇痛善太息是也

針灸

內經灸刺善太息皆取心膽二經經云黃帝曰人之太息者何氣使然岐伯曰思憂則心忡急心忡急則氣道約約則不利故太息以出之補手少陰心主少陽留之也又曰膽病者善太息口苦嘔宿汁視足少陽脈之陷下者灸之又云膽足少陽之脈是動則病口苦善太息視盛虛實寒熱陷下取之是也

甲色蒼蒼然太息如將死狀振寒洩白便難中封主之脾虛令人病寒不樂好太息商丘主之凡好太息不嗜食多寒熱汗出病至則善嘔嘔已乃衰即取公孫及井膈

醫學綱目卷五

八

實則腸中切痛厥頭面腫起煩心狂飲多不嗜臥虛則腹脹腸中氣大滿熱痛不嗜食霍亂公孫主之

目疾門 目赤腫痛 外障 內障

不能遠視 不能近視 雀目日落不見物

目淚不止 風沿爛眼 倒捷拳毛 努肉

攀睛 飛絲塵垢入目 視岐亂見

目開不閉 眇目直視 目上視

目具陰陽五臟

經云瞳子黑眼法於陰白眼赤脈法於陽故陰陽合轉而精明此則眼具陰陽也全文見視岐亂見又曰五臟六腑之精氣

皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裏擷筋骨氣血之精而與脈并為系上屬於腦後出於項中此則眼具五臟六腑也全文見視岐亂見後世以內外皆

屬心上下兩臉屬脾白眼屬肺黑眼屬肝瞳子屬腎謂之五輪蓋本諸此也又有八廓之說無義無據今不得刪入焉

臟腑主目有二

一曰肝經云東方青色入通於肝開竅於目藏精於肝又云人臥血歸於肝肝受血而能視又云肝氣通於目肝和則目能辨五色也

心合脈諸二皆屬於目

二曰心經云心合脈諸脈者皆屬於目是也至東垣又推之而及於脾如下文所云

目疾始於脾胃

東垣五臟生成篇云諸脈者皆屬於目目得血而能視針經九卷大惑論云心事煩冗飲食失節勞役過度故脾胃虛弱心火太盛則百脈沸騰血脈逆行邪害孔竅天明則日月不明也夫五臟六腑之精氣皆稟受於脾土而上貫

醫學綱目卷三

九

於目脾者諸陰之首也目者血氣之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者胞絡也主百脈皆榮於目既勞役運動勢乃妄行及因邪氣所并而損其血脈故諸病生焉凡醫者不理脾胃及養血安神治標不治本不明正理也

診

陽主散陽虛則眼楞急而為倒捷拳毛 陰主斂陰虛不斂則瞳子散大而為目昏眼花

靈目背外決于面者為銳眥在內近鼻者為內眥上為外

眥下為內眥顯狂 診脈痛赤脈從上下者太陰病從下

上者陽明病從外走內者少陽病太陽病宜溫之散之陽

明病宜下之寒之少陽病宜和之也論疾診尺篇

深論云眼之為病在腑則為表當除風散熱在臟則為裏

當養血安神暴發者爲表而易療久病者爲裏而難治除風散熱者瀉青丸主之養血安神者定志丸主之婦人熟地黃丸主之或有肥體氣盛風熱上行目昏遊槐子散主之此由胸中濁氣上行也重則爲痰厥亦能損目常使胃中氣清自無此病也又有因目疾服涼藥多則損氣者久之眼漸昏弱乍明乍暗不能視物此則失血之驗也熟乾地黃丸消氣定志丸相須而養之或有視物不明見黑花者此之謂腎氣弱也宜補腎水駐景丸是也或有暴失明者謂眼居諸陽交之會也而陰反閉之此風邪內滿當有不測之病也

目赤腫痛

目痛分陰陽

目疼有二一謂目眇白眼痛一謂目珠黑眼疼蓋目眇白眼疼屬陽故晝則疼甚點苦寒藥則効經所謂白眼赤脈

醫學綱目卷五

十

法於陽故也目珠黑眼疼屬陰故夜則疼甚點苦寒則反劇經所謂瞳子黑眼法於陰故也

陰症治法

簡補肝散治肝虛目睛疼冷淚不止筋脈痛及羞明怕日夏枯草五錢香附子一兩共爲末每服一錢臘茶調下無時候服

右夏枯草治目珠疼至夜則疼甚者神効或用苦寒眼藥點上反疼甚者亦神効蓋目珠者連日本日本又名目系屬厥陰之經也夜甚及用苦寒點之反甚者夜與寒亦陰故也丹溪云夏枯草有補養厥陰血脈之功其草三四月開花遇夏至陰生則枯蓋稟純陽之氣也故治厥陰目疼如神者以陽治陰也予周師目珠疼及連眉稜骨痛并頭半邊腫痛遇夜則作用黃連膏子點上則反大疼諸藥不効灸厥陰少陽則疼隨止半月又作

又灸又止者月餘遂以夏枯草二兩香附二兩甘草四錢同為細末每服一錢五分用茶清調服下咽則疼減大半至四五日長愈又一男子年六十歲亦目珠連眉稜骨疼夜甚用苦寒劑點亦甚與前証皆同但有白翳二點在黑目及外眥為翳藥皆不効亦以此藥間東垣選奇湯又加四物黃連煎服并灸厥陰少陽而安

本治睛疼難忍者

川歸 防風 細辛 薄荷各等分

右為末每服二錢麥門冬熟水調下食後日午夜臥各一服

保止痛散治兩額角痛目睛痛時見黑花及目赤腫痛脈弦作內障也得之於飢飽勞役

柴胡一兩 甘草錢半 瓜蒞根兩 當歸

入醫學綱目卷十三

黃芩酒一兩半 生地黃兩

右為窰末每三錢水一盞半薑三片棗一枚臨臥熱服小便不利加茯苓澤瀉各五錢

治太陽經衛虛血實目腫赤臉重頭中濕滯膚腎睛痛肝風盛眼黑腎虛

桔梗丸

桔梗一斤 牽牛頭末二兩

右細末每服四五十九錢一百九食前溫水下日二次

行暴赤眼無瘡者以古銅錢刮淨薑上取汁於錢唇點目熱淚出隨點隨愈但小兒甚懼不須疑已試良驗有瘡者不可用

冷痒驗

張仲文治眼暴赤腫痛不得開又淚出削附子赤皮末加蠶屎着眥中以瘥為度

陰病似陽點法

本治丈夫女人室女小兒諸般赤眼針頭丸

川烏尖

七枚

白僵蠶

七枚

去鵬砂

十文

右爲末用猪膽取汁調藥不令稀用成軟塊攤在碗內
荆芥艾各一兩皂角小者一莖燒將藥碗覆薰之常將
藥膏攪勻轉又攤又熏以皂角荆芥艾盡爲度再搜成
塊用油紙裹入地中出火毒冬天兩日夜夏天一夜春
秋一日夜取出丸如針頭大每一丸點眼中妙

陽毒活法

丹治目中百病乳汁煎黃連點之

衍人乳汁治目中功多何也人心主血肝藏血肝受血則
能視蓋水入於經其血乃成又曰上則爲乳汁下則爲月
水故知乳汁卽血也用以點目豈不相宜者哉 治眼痛
小黃栢皮一名小栢子以匏布揩去匏皮刮取柔細黃屑
以手急捏成團如鷄子大以苧絲縛之次以蘿蔔葉包之

入醫學綱目卷三

三

又用苧絲縛之置灰火內煨去外二三層有灰者急用紗
絞出黃汁收之點眼甚妙一方用乳汁拌小黃栢皮同煨
點之又勝

世傳信方眼風泪痒或生翳或赤皆一切皆主之宣州黃
連搗爲細末麩核仁去皮碾爲膏綠此性稍濕末不得故
耳與黃連等分相合取不蛀乾棗三枚割頭少許留之去
核以二物填於中却取割下棗頭依前合定以少綿裹之
惟薄綿爲佳以水半碗於銀器中文武火煎取一鷄子殼
以綿纏待冷點眼萬萬不失前後試驗數十人皆應
保點眼藥除昏退翳截赤定痛

當歸二錢

黃連二錢

防風五分

細辛五分

甘草一錢

右劉如麻荳大水一大碗文武火煎滴水中不散爲度

入熟蜜少許點開

丹暴赤眼痛枸杞汁點妙詳 目卒痛荆芥燒汁點之後
保救苦九治眼暴赤發噴痛甚者

黃連兩一 川歸錢二 甘草錢一

右剉細水半碗浸一宿以火熬約至一半綿絞去查令
淨再熬作稠膏攤在碗上倒合以物蓋之用熟艾一大
塊如彈子大底下燃之薰膏子令艾盡為度下下項藥

硃砂錢一 腦子五分 乳香 沒藥研各等分

右研入膏和丸如米大每用二丸點眼兩角仰面臥藥
化方起

世點藥方黃連五錢去鬚槌碎用水三碗浸夏月三日冬
五日以古文錢百枚筒同煎取汁半碗又將查再煎凡三
次取綿纏過以磁器燉成膏子如沙糖樣却將蘆甘石黃

醫學綱目卷三

主

連牙茶小便煨過者入麝香少許同研細入前膏子再燉
可丸為度如桐子大化點 一方不用蘆甘石只將膏子
入麝少許點尤妙 一方陰陽寒熱通用以生薑自然汁
重綿纏過澄薑泥晒乾却用黃連膏入蜜少許以薑泥為
丸餅如錢厚或水化或乾點神効

薑汁點法見前黑睛痛條治目痛惡寒脈浮者効 治目
皆白眼痛諸法並見後表裏寒熱虛實等條

惡寒脈浮者為有表

東垣選奇湯防風飲子治眉骨痛不可忍方見眉痛門

芫荽湯治兩目晝夜隱濇難開羞明畏日目赤視物昏暗

芫荽 蔓荊子各五錢 細辛二錢 防風一錢五分

甘草 白芷各一錢

右作一服水一大盞八分煎至一盞去查稍熱臥服之

極佳

明目細辛湯治兩目發赤微痛羞明畏日怯風寒怕火眼
睫成細眵糊多隱澹難開眉攢痛悶鼻涕極多如稠膿
大便微硬喜食冷物

麻黃

羌活各三錢

藜本一錢

川芎五分

細辛少許

白茯苓一錢

蔓荊子六分

荆芥蕙二分

當歸稍一錢

生地黃六分

川椒八粒

桃仁二十枚

紅花少許

防風二錢

右並劉如麻草大分作四服每服水二大盞煎至一盞
去查稍熱服食後忌酒濕麪及風寒處行走

本治肝腎風毒氣上衝眼痛菊花散

甘菊花

牛蒡子炒各八兩

防風兩三

白蒺藜去刺一兩

甘草一兩五錢

右為細末每服二錢熱水調下食後臨臥

大醫學綱目卷三

十四

膠實有力者為有散

凡目赤痛或大腑秘或脹實有力者為有裏證宜微利之
實熱條瀉青丸洗肝散之類是也

海目赤暴作雲翳疼痛不可忍宜四物龍膽湯

四物各五錢

羌活

防風各三錢

草龍膽

防已各二錢

右水煎服

丹丈夫患眼赤腫痛

連翹

黃芩

歸鬚

陳皮

蒼木各二錢

木通半錢

甘草錢一

分三貼薄苛葉五片水二盞煎一半入些好酒熱飲之
保槐子散治體肥氣盛風熱上行目昏澹

槐子

黃芩

木賊

蒼木各等分

右細末食後茶送下

川芎散治風熱目眩熱腫及胸中不利

川芎

槐子各一兩

右為末氣滯下利薑湯調目疾茶清調熱上攻咬咀一兩煎服

潔治眼赤暴發腫散熱飲子

防風

羌活

黃芩

黃連各一兩

右切每半兩水二盞煎食後溫服如大腑秘加大黃一兩如痛甚加川歸地黃煩躁不得臥加梔子一兩

治目暴發赤腫除風散熱瀉青丸方見治法門

局洗肝散風毒上攻暴作赤目腫痛難開隱瀉膠液

薄荷去梗

當歸

羌活

防風各去蘆

梔子仁

甘草炙

大黃

川芎各二兩

右為末每服二錢食後熱水調下

醫學綱目卷三

五

本事治目暴赤濇腫疼痛

木賊半兩

細辛半兩

草烏一分

龍膽草半兩

右為剉散每服三大錢水一大盞黑芷半合煎至一二

沸入沙糖一塊如大彈子大煎至八分去查食後溫服

一應諸眼患並用忌煎燂油麩酢醬熱物及不得嗔怒

房色等事則便易獲痊矣

虛熱寬火升降水

治腎經虛冷水候不升不能上滋肝木致令眼目昏暗或痛或痒須用此藥方調治之

川芎

荆芥

天麻

草薺

川烏炮

烏藥

羌活

黑牽牛炮

川歸

金釵石斛各等分

右為末煉蜜丸如荳大硃砂為衣每服一丸薄荷湯嚼

下

目赤腫足寒者必用時時溫洗其足并詳赤脈處屬何經
灸三里臨泣崑崙等穴立愈○海藏四物龍膽湯方見熱條
俛地黃湯治眼小昏濇因發而久不能痊

防風

當歸

黃芩

黃連

人參

茯神

羌活

地黃各等分

右龕末每服五七錢水一盞半煎至一盞溫服

丹赤眼痒痛煎枸杞汁服救急方

垣助陽和血補氣湯治眼發上熱壅白睛紅眵多淚無疼
痛而隱濇難開此服寒藥太過而真氣不能通九竅也故
眼昏花不明宜助陽和血補氣

防風

黃芪錢一

甘草炙五分

蔓荊子

歸身分五

白芷分二

升麻分七

柴胡

右咬咀作一服水一盞半煎至一盞去查熱服臨臥避

醫學綱目卷三

末

風及忌食冷物

碧天丸治目疾累服寒涼不愈兩目蒸熱有如火薰赤而
不痛紅系血脈滿目貫睛翳悶昏暗羞明畏日或上下臉
赤爛或不伏風土而內外鏡皆洗破之

瓦粉炒一兩

銅綠七分

枯白礬二分是一錢中五分之一

右研銅綠白礬令細旋旋入瓦粉銅綠勻熱水和之共

爲丸每用一丸熱湯半盞浸一二箇時辰洗至覺微濇
爲度少合眼半時辰許臨臥更洗了眼目就睡尤神妙
一丸可洗十日如再用重湯內頓令熱此藥治其標爲

裏熱治已去矣裏實者不宜用此當瀉其實熱諸方見
前大膽秘堅條

實熱宜瀉

子和清州王正之子年十五歲目赤多淚衆工無效戴人
見之曰此兒病在目裏當得之母腹中被驚其父曰姪姪

聖藥者
夫之

時在臨清被圍戴人令服瓜蒂散加鬱金上湧下泄各去涎沫數升人皆笑之其母曰兒腹中無病何以吐瀉如此至明日其目輝然葵明 一小兒名得孫眼發赤其母買銅綠欲洗兒目煎成家人誤與兒飲之須臾大吐吐訖立開 安慶趙君玉目暴赤腫點洗不退偶思戴人法曰凡病在上者皆宜吐乃以茶調散涌之一涌赤腫消散君王歎曰法之妙其迅如此乃知法不遠人人自遠耳

孫仁廟朝中衛才人忽患眼疼衆醫皆不能療或投寒藥或投補藥加之腑臟不安上乃問孫孫曰臣非眼科乞不全責於臣降旨有功無過孫乃診之肝脈弦滑非熱壅也乃才人年壯血盛肝血併不通遂問及官人月經已二月不通衆醫曰有孕孫曰此正爲疾耳遂下通血藥其經既通不日眼疾亦愈上賜錢三十萬才人贈金一囊官人謠

一善學綱目卷三

七

曰神醫不來雙目難開

丹治風赤眼乾蚯蚓十箇炙爲末冷清茶下二錢夜臨臥與服聖惠方

點藥諸方

點藥諸方分陰陽並見前眼痛分黑白條

世治眼暴赤腫大田螺以清水漾去泥壁去掩入黃連末一錢麝些少在內將一盞子安少濕泥仰安田螺在泥上粘定露一宿次日早盡化爲水以鷄翎刷眼痛處則瘥

外治赤眼及睛上瘡秦皮一兩清水一升於白碗中浸春夏一食時以上看碧色出卽以筋頭纏綿仰臥點所患眼

乃先從大眇中滿眼點微痛不畏良久三五飯頃卽側臥

瀝却熱汁每日十度已上不過二日瘥 治赤目痒痛地

骨皮三升水三斗煮取三升去查納鹽二兩煎取二升傳

目或加乾薑二兩

傳濟治風毒上攻眼腫痒溢痛不可忍者或上下臉皆赤爛浮翳瘀肉侵睛神效驅風散

五倍子一兩 蔓荆子一兩

右同杵為末每用二錢水二盞銅瓦器內煎及一盞澄查熬淋洗留滓二服又依前煎淋洗大能明眼目去渣

痒

瀝眼稍赤爛

黃連三錢 白礬三錢 銅綠 蜜陀僧一錢

輕粉少

右為極細末少少貼之

東碧雲散搗藥

青黛半錢 蔓荆子半錢 川芎二分 薄荷二分

鬱金一錢 石膏一錢 細辛一錢 紅荳粒

八寶學綱卷五

六

芒硝一錢

右為細末口噙水鼻孔內啗之

治赤眼頭風等症此方名為神聖散

乳香 沒藥 川芎 石膏

雄黃各二錢 盆硝半兩

右為細末專治赤眼冷淚頭風耳聾耳痒鼻塞聲重一搗牙根便住

保眼發赤腫毒氣侵睛脹痛宜按毒散

盆硝 乳香 雄黃 沒藥各等

右為細末研以少許搗鼻中

治眼風毒發腫鼻中欲嚏嚏多鼻損而生瘡宣風散

川芎 甘菊各二錢 乳香 沒藥各一錢

右為末少許搗鼻中

貼洗雜方

本治赤腫眼以白薑末水調貼脚掌心 又以上硃蜜調
帝貼眼上

山赤眼用九節黃連秦皮龍末加滑石一塊煎湯洗
方用熱湯篩洗或濃煎冬青葉湯入鹽熱洗

丹治火眼艾燒細烟以碗蓋之候烟上成煤取下以溫水
調洗之入黃連尤妙門斗

疔廣大重明湯治兩目臉赤爛熱腫疼痛并稍赤及眼臉
痒及痒極抓至破爛赤腫眼楞生瘡翳目多眵痛隱濇難

開

草龍膽稍

防風

甘草根

細辛各等分

右剉如麻薑大內甘草不剉只作一挺先以水一大碗
半煎草龍膽一味乾一半再入餘三味煎至一小半碗
去查用清汁帶熱洗以重湯坐令極熱日用五七次洗

醫學綱目卷五

五

畢少合眼須臾即去努肉縱長及痒亦減矣

運氣

風助火
熱在上

運氣目赤有二

一曰風助火鬱於上經云少陰司天之政二之氣陽氣布
風乃行寒氣時至民病目瞤目赤氣鬱於上而熱又云少
陽司天之政初之氣風勝乃淫候乃大溫其病氣怫於上
目赤是也

火獨盛
熱在中

二曰火盛經曰火太過曰赫羲赫羲之紀其病目赤又云
火鬱之發民病目赤心熱又曰少陽司天之政三之氣炎

肝實宜
清之

肝虛宜
溫之

暑至目赤又云少陽之勝目赤是也

三曰燥邪傷肝經云歲金太過燥氣流行民病目赤又云
陽明司天燥氣下臨肝氣上從脇痛目赤是也

針灸

內經灸刺白眼痛有四法

其一取足太陽經云目痛赤脈從上下者太陽病故知取

之也
其二取足陽明經云目痛赤脈從下上者陽明病故知取之也

其三取足少陽經云目痛赤脈從外走內者少陽病又手足少陽之脈所生病者皆目銳眦病故知取之也

其四取躄脈經云邪客足陽躄之脈令人目痛從內皆始刺外踝之下半寸所左刺右刺左又云目中赤痛從內皆始取之陰躄也

灸刺黑珠痛有三法

其一取足太陽經云足太陽有過項入于腦者正屬目本名曰眼系頭目若痛取之在項中兩筋間是也

其二取足厥陰經云肝足厥陰之脈上入頰頰連目系故取之也

醫學綱目卷三

三

其三取少陰經云手少陰之別名曰通里屬目系取之掌後一寸也又足少陽之正陽明之正皆繫自系經無取法也

子和余嘗病目赤或腫或翳作止無時偶至新息帥府百餘日羞明隱澹腫痛不已忽眼科姜仲安云宜刺上星至百會速以錐針刺四五十刺攢竹穴絲竹空穴上兼眉際二十刺及鼻兩孔內以草莖彈子出血如前約二升許來日愈太半三日平復如初

瀦眼痛睛欲出者須入關大刺十指間

出血須十指縫

心眼暴赤腫 神庭 上庭 顙門 前項

百會各出血立愈

世眼眶腫 二間 行間

摘眼疼不可忍 風池 合谷立

玉眼紅腫羞明怕日并昏 睛明斜飛向鼻不直針忌灸 童子翳

針入一分沿皮內透魚腰 太陽皆眼上三 出翳

實眼痒痛 光明 第五各瀉 行間

集羞明怕日 攢竹 合谷灸 小骨空灸如前 二間

張風眼卒生翳膜疼痛 中指本節尖上灸三壯小麥大左灸右灸左

集諸障 睛明 四白在珠下一分 太陽百會商陽厲

兌光明各出血合谷三里命門肝膈光明各灸之

撮要眼赤腫疼痛 陽谷一分瀉 至陰

匣內背赤腫目眈眈無所見背痒痛溇膚白翳睛明主之

○目眈眈赤痛天柱主之○目痛泣出甚者如脫前谷主之

○眼痛下廉主之○白膜覆珠子無所見解溪主之○

青盲無所見遠視眈眈目中溇膚白膜覆瞳子目窻主之

○目痛口僻疾目不明四白主之○目痛引眦少腹偏痛

入醫學綱目卷三

主

肝一嘔痰視昏嗜臥照海主之瀉左陰踰取足左少陰

作春嘔痰視昏嗜臥照海主之瀉左陰踰取足左少陰

前刺陰踰後刺少陰氣在橫骨上○目中白翳然谷取

之○目視不明振寒自翳瞳子不見腰兩脇痛脚痠轉筋

丘墟主之○目赤目黃顴竅主之○目眩無所見偏頭痛

引目外眦張急頷厭主之○目中痛不能視上星主之先

取嚏噫後取天牖風池○目痛不明斷交主之

葉眼痛久不愈○魚際灸七壯

表裏上

經云診目痛赤脈從上下者太陽病從下上者陽明病從

外走內者少陽病按此論表裏之翳明矣用以治症如鼓

應桴也 凡赤脈翳初從上而下者屬太陽以太陽主表其病必連

眉稜骨痛或腦項痛或半邊頭腫痛是也治法宜溫之散

下者太陽

散
陽宜溫

之溫則臘茶鹽川附等分煎服立愈戴立齋嘗以此證用川附一錢作一服隨愈散則簡要夏枯散東垣選奇湯之類是也○一方附子半兩芽茶一大撮白芷一錢細辛川芎防風羌活荆芥各半錢煎服神効

簡夏枯草治眉稜痛目翳從上下者累効必與退雲丸相兼服夏枯草方見目珠痛條

垣選奇湯治眉稜骨痛目翳從上下者妙方見眉羌活除翳湯治太陽寒水翳膜遮睛不能視物

麻黃根分一羌活半兩防風兩蔓木七錢

薄荷葉二錢細辛少許荆芥蕙七錢煎成藥加之

川芎三錢當歸根三錢生地酒一錢小椒五分

黃栢四錢知母酒製五錢

煎至一盞去查稍熱服後忌酒濕麪

本又方

防風兩白蒺藜兩羌活半兩甘菊兩

右為細末每服二錢入鹽少許百沸湯點服食後赤脈翳初從下而上者或從內背出外者皆屬陽明以陽

明主裏其症多熱或便實是也治法宜下之寒之下則局方流氣飲錢氏瀉青丸局方溫白丸加黃連黃栢之類累

用累驗寒則一味黃連羊肝丸之類也局流氣飲治目生翳障

大黃炮牛蒡子炒川芎兩菊花去枝

白蒺藜炒去梗細辛苗去防風苗去玄參苗去

山梔皮去黃芩蘆去甘草炙蔓荆子

荆芥去梗木賊去根節草決明一兩蒼朮二兩

醫從下
上者陽
明宜下
宜寒

入醫學綱目卷三

三

右為末每服二錢臨臥用冷酒調下

羅撥雲散治因眼發濕熱不退而作翳膜遮睛昏暗羞明
隱瀆難開

川芎

草龍膽

楮實

薄荷

羌活

荆芥蕙

石決明

草決明

蒼朮

大黃

甘草

木賊

密蒙花

連翹

川椒

甘菊

桔梗

石膏

地骨皮

白芷

白蒺藜

檳榔各一兩

石燕一對

右件搗羅為細末每服三錢溫茶清一盞調下食後一

日三服忌雜魚鳥諸肉

海藏東垣先生治癰後風熱毒翳膜氣暈遮睛以瀉青丸

子瀉之大効初覺易治保命集云癰後翳膜亦能治之瀉清丸減大黃一半用之

大醫學綱目卷三

三

妻姪女形肥筭年時得目疾每一月或二月一發發時

紅腫瀆痛難開如此者二年服除風散熱等劑及尋常

眼藥則左目反有頑翳從銳眥來遮瞳人右目亦有翳

從下而上經云從內外走者少陽病從下上者陽明病

予謂此少陽陽明二經有積滯也脈短滑而實晨則似

短潔古云短為有積滯遇抑臟腑宜下之遂用溫白丸

減川芎附子三之二多加龍膽黃連如東垣五積法從

二九每日加一九加至大利然後減九又從二九加起

忽一日於利中下黑塊血若干如墨大而硬堅從此漸

覺痊而翳盡去矣

世黃連羊肝丸治目翳從下上者從內眥出外者神効方見

內

醫從外
入內考

赤脈翳初從外眥入內者為少陽以少陽主半表半裏治

少陽宜和解

法宜和解之神仙退雲丸之類是也

七

垣神仙退雲丸治一切翳暈內外障昏無睛者累効妙方

川芎

當歸各一兩半

犀角洗

枳實

川棟

蟬殼

甘菊

薄荷葉不見火

上各半兩

瓜蒞仁

生者六錢蛇退

密蒙花

荆芥蕙

各二錢此三味與甘草同焙乾去甘草不用

地骨皮洗

白蒺藜

微炒去刺羌活

生地

酒洗焙乾各一錢

川木賊

一兩半去節壹便浸一宿焙乾

右為細末煉蜜為丸每一兩分作十九米泔湯調服日進二三丸食後婦人當歸湯下有氣者木香湯下使之在人消息

本治諸眼患因熱病後毒氣攻眼生翳膜遮障服此藥遂

不醫學綱目卷三

音

旋消退不犯刀針

青箱子

防風

枳殼各一兩

茺蔚子

細辛

各半兩

枸杞子

澤瀉

生地黃

石決明

各一兩半

黃連

車前子

川當歸

麥門冬

去心各二兩

右各如法修事焙乾為末煉蜜丸如桐子大每服三十丸飯飲吞下忌一切熱毒物

垣羌活退翳湯

羌活

二錢

防風

半錢

黃芩

半兩酒炒

柴胡

三錢

五味子

二錢

黃栢

五錢酒炒

芍藥

五錢

黃連

二錢

甘草

二錢

草龍膽

五錢酒洗

黃芪

三錢

升麻

二錢

歸身

二錢

石膏

半錢

右件剉如麻苳大水二盞分作二服煎至一盞入酒少

許去查臨臥熱服忌言語

消翳散一名龍膽飲子

青蛤粉兩半

羌活

龍膽草

黃芩炒各三錢

蟬退五分

麻黃半錢

穀精草兩半

升麻二錢

川鬱金兩半

甘草根炙五分

右為細末每服二錢食後溫茶調下已上四方熱多者宜之

又方

川芎

羌活

旋覆花

防風各二兩

甘草

蒼朮油浸一夕去皮日乾不見火

楮實

楮葉

並八月採陰乾已上各一兩

甘菊

枳實

蟬退

木賊各一分

右木口中治為末茶清調下二錢早食後臨臥各一服治暴赤眼忌濕麪及酒楮實須真無實者取葉不爾諸

醫學綱目卷三

三

藥無効合時不得焙及犯鐵器予觀此方取楮葉必無實者蓋陰陽二合相匹配耳有實者陽也無實取葉者陰也所以不得真楮實者悉無効

羅五秀重明丸治眼翳膜遮睛隱澁昏花常服清利頭目

甘菊花

開頭五百箇

荊芥

五百穗

木賊

去節五百百節

川椒

開口者五百粒

右為細末煉蜜為丸如彈子大每服一丸細嚼時時咽下食後噙化無時臨臥大忌酒麪熱物已上二方無熱者宜之

翳膜者風熱重則有之或疰入眼此肝氣盛而發在表也

翳膜已生在表明矣宜發散而去之若反疎利則邪氣內

插為翳益深邪氣未定謂之熱翳而浮邪氣已定謂之水

翳而沉邪氣牢而深者謂之陷翳當以熨發之物使其邪

氣再動翳膜乃浮佐之以退翳之藥而能自去也病久者

委裏下

不能速効宜以歲月除之
腎分新
新醫所生表散方東垣羌活除腎湯有熱血虛者退雲丸

之類是也

保治水腎久不去者羚羊角散

羚羊角

升麻

細辛各等分

甘草半錢

右為末一半煉蜜為丸每服五七丸用一半為散以
泔水煎吞九子食後

焮發陷醫亦羚羊角散之類用之在人消息若陰虛有熱
者兼服神仙退雲丸

陰盛陽
虛當先
補其陽
後瀉其
陰

垣補陽湯治陽不勝其陰乃陰盛陽虛則九竅不通令青
白翳見於大眦乃足太陽少陰經中鬱遏足厥陰肝經氣
不得上通於目故青白翳內阻也當於太陽少陰經中九
原之下以益肝中陽氣衝天上行此當先補其陽後於足

醫學綱目卷五

五

太陽少陰標中瀉足厥陰肝經陰火乃次治也內經曰陰
盛陽虛則當先補其陽後瀉其陰此治法是也每日清晨
以腹中無宿食服補陽湯臨臥服瀉陰丸若天色變大寒
大風并大勞役預日飲食不調精神不足或氣弱俱不得
服候體氣和平天氣如常服之先補其陽使陽氣上升通
於肝經之末利空竅於眼目矣

羌活

獨活

當歸身

去虛頭用稍
截酒先焙乾

甘草稍

熟地黃

人參去

黃芪

白朮

已上各一兩

陳皮

去白

生地黃

炒二錢

白茯苓

去皮

知母炒黃色
各五錢

柴胡去苗

防風

半兩

白芍藥

半兩

肉桂去皮

一錢

右同為龕末每服半兩水二大盞煎至一盞去查溫服

空心使藥力行盡方許食

連栢益陰丸

羌活

獨活

甘草根炒

當歸身

依前製

防風

五味子各半兩

黃連酒洗或伴剉炒火色一兩

石決明

燒存性五錢

草決明

黃芩

黃栢

知母各一兩

右爲細末煉蜜丸如菉荳大每服五十九丸漸加百丸止臨臥清茶送下常以助陽湯多服少服此藥以此藥一則妨飲食二則力大如升陽湯不可多服

升陽泄陰丸

羌活

獨活

甘草根

歸身

熟地

人參

黃芪

白朮各半兩

瀉澤

白芍藥一兩

陳皮三錢

白茯苓

防風

肉桂半兩

生地酒洗炒五錢

知母酒炒三錢如大

醫學綱目卷三

主

暑加

楮實酒拌半兩

柴胡去苗一錢半

右咬咀每服五錢水煎熟服另合一料煉蜜丸如桐子大食遠茶清送下五十九丸每日與前藥各一服不可飽服如天氣熱甚加五味子三錢或半兩天門冬去心半兩枳實亦加半兩

右上一三方合治一病空心補陽湯臨臥連栢丸食遠升陽泄陰丸

瞳子散
大補陰

滋陰地黃丸治內障兼右目小背青白翳瞳子散大內障
丹丈夫因勞力後兩眼上星右邊獨昏此熱傷血

白朮

歸身尾

生地

木通

黃連

黃芩炒

黃栢炒各二兩

甘草炙一錢

分三貼煎服大熱加白芍藥

醫從下而上諸方瀉青之類並見表裏上條○翳除盡至期年月

醫除至
期復發
者有積
雜方

日期復發者或間一月或二月一發皆為積治如脈滑者宜溫白丸加黃連草龍膽如東垣五積法服之

百點膏張濟民眼翳以至遮瞳人視物不明如覺雲氣遮障以此方治之

黃連二錢以水一碗煎至半碗煎入後藥 當歸六分 甘草根六分

防風根八分 蕤仁去皮尖三分

右剉如麻荳大蕤仁另研如泥同熬滴入水中不散去查沫入好蜜少許再煎少時為度極要病人心淨點之點至目微痛為度一日點五次臨臥點尤妙名曰百點膏但欲多點使藥力相續

羌活退翳膏治足太陽寒水膜遮左睛白翳上視物不明

椒樹東南根西北根各二兩 麻黃去節根三分 羌活七分

黃連三分 歸身六分 防風三分 柴胡三分

醫學綱目卷三 天

生甘草四分 升麻三分 生地黃三分 漢防已二分

蕤仁六分 蕤仁本二分

右淨水一碗先煎漢防已黃連生甘草當歸身生地黃煎至一盞入餘藥再煎至一盞去查入銀磁器內熬稀膏點之有力為度

退翳膏子治黑白翳

荆芥穗一錢 黃連三分 生地黃半錢 甘草五分

歸身六分 連翹四分 柴胡稍五分 升麻三分

防風四分 蕤仁三分 青皮四分 細辛一分

右先用水半盞浸荆芥一處次將黃連生地甘草三味用水一大碗煎至半碗再下餘七味同煎至一盞去查更上火熬至半盞入荆芥水二匙入蜜少許再煎令勻點之神効

圓明膏治內障生翳及瞳子散大皆勞心過度飲食失節

柴胡去苗五錢 麻黃去虛五錢 歸身二錢 生地兩半

黃連去鬚五錢 甘草二錢 訶子皮濕帶裏一錢

右七味先以水二碗熬麻黃至一碗去沫外六味各啗咀如豈大篩去沫子秤入內同煎滴水不散去查沫入蜜少許再熬點之

右點方四皆東垣先生所製乃隨證立法非如泛常通用之方如瞳子散大用訶子收之之類也

保金絲膏點眼

生薑取汁四兩 白蜜煉去沫一斤 猥猪膽汁三錢 黃連四兩 碎用水

一斗前至五升

右先煎黃連水後入薑汁次入蜜同煎去沫淨入下項

腦子 硃砂 熊膽各四錢 射香

入醫學綱目卷三 完

青鹽各三錢 輕粉許 鵬砂二錢

右研細攪勻同煎令稀膏用之

羅金露膏

麩仁槌碎 黃丹各一兩 黃連半兩 蜜六兩

右件先將黃丹入鍋中炒黃至紫入蜜攪勻下長流水四升以嫩柳枝頭七莖把定攪之次下麩仁候滾十數沸又下黃連用柳枝不住手攪熬至二升置籬內傾藥在紙上慢慢滴之無令塵污如有瘀血加硃砂一錢上火煨開入前膏子內用

夜光丸治赤眼翳目昏花

宣黃連 訶子去核各二兩 當歸一兩 銅綠一錢

右咬咀用河水三升同浸兩晝夜入銀磁器熬取汁再入文武火熬槐柳枝攪滴水成珠為度

猥猪胰子二箇先去脂以水洗換水無度令淨入黃連膏內煮黑色取出用之

蘆葑石一兩童便一碗燒紅焯盡為度 黃連四兩河水浸去

青鹽六兩細研 蜜一斤澄去查蠟 梨十枚去皮核絞取汁

右將梨汁葑石入膏子內熬五七沸次入青鹽用槐柳

枝攪褐色傾入磁甕冷水中內拔去火毒臘月合為妙正月十一月次之餘月皆不可

濟蟾光膏治遠年目病不通道路去翳膜須用臘月成開

日合

白沙蜜四兩色白者炒隔年蔥一枝去鬚皮短切與同熬去白膜 薊熟為度以綿纏淨

放定用紙 黃丹三錢水飛生用 蜜陀僧三錢水飛生用

蘆葑石傾入前蜜中用桃柳各一枝攪勻放下

當歸煨過五錢淨水飛 杏仁湯炮去皮尖已

黃連去蘆頭淨二兩 川芎半兩 秦皮 訶子皮

入醫學綱目卷三

三

防風 石膏 玄精石 井泉石

無名異 玄參 代赭石 石決明已上

味各三錢吹咀或雪水或長流河水五升銀磁器內

裝至二升飽去查淨再裝至一升將十五味藥水傾入前放下藥蜜一同慢火熬藥紫 乳香

沒藥 琥珀 硃砂另研 麝仁帶捷去油用仁

已上五味各三錢前四味先研爛後入麝仁水飛一同

研細澄有查再水飛打清再水飛方傾入前紫金藥內

一同復熬一二沸以藥滴於水中不散為度大抵勿令

過與不及取下土中埋七日取出置銀器中如法收貯

再添入後細藥傾入藥時亦用桃柳枝攪勻

南鵬砂 珍珠 龍腦 珊瑚枝四味各一

錢 麝香五分

右件五味研極細亦以桃柳枝攪勻傾入前藥中復攪

勻然後以帛封器盒口旋取用如有取不盡藥用淨水
斟酌洗碗却將碗藥水熬三五沸另行收拾或洗眼或
膏子藥稠了時傾入些少調解

右用桑柴燒共計二十九味

治療目熱生膚赤白膜取雀屎細直者入乳和付目上消
爛盡○烏賊骨主目中一切浮翳細研和蜜點之又骨末
治目中熱有効

再治眼翳樗白皮索為繩日乾燒為灰研細點之自漸退
妙○又方猪膽皮去汁熬為繩燒灰點之亦妙

東碧雲散治外障摘藥

麻黃根

兩

歸身

錢一

乳香少

麝香

如少加
乳香

右將當歸麻黃為瓮末炒黑色入乳射研極細噲化搗

入鼻中

入醫學綱目卷三

三

摘鼻

薄荷

錢三

石膏

錢一

芒硝

川芎

各等
分

細辛

錢二

蔓荊子

錢三

青黛

錢一

右為末鼻內搗之

丹楊生娘患赤眼生膜似白星

秦皮

滑石

黃連

荆芥

歸頭

赤芍藥

各三
錢

右分四貼煎洗仍教其莫洗浴止可洗脚

子治法以鵝翎截之近黑睛及當白睛嚙之膜自聚上以
針鈎挽之割去即見物以綿當眼着血斷三日瘥

東垣醫魏邦彥夫人目翳暴生從下而起其色綠腫痛不

可忍先師曰翳從下而上病從陽明是也綠非五方之正

色殆肺腎合為病邪乃就畫家以墨膩粉合成色諦視之

與翳同色肺腎爲病無疑矣乃瀉肺腎之邪而入陽明之藥爲之使既効而他日病復作者三其所從來之經與翳色各異乃以意消息之曰諸脈皆屬於目脈病則從之此必經絡不調則目病未已也問之果然因視所不調者治之病遂不作

針灸外障並見目赤門

內障

在睛裏昏暗與不患之眼相似唯瞳人裏有隱隱青白者無隱隱青白者亦有之

氣虛則
目暴無

卅一老人病目暴不見物宅無所苦坐飲食如故予曰太虛急煎人參膏二斤服二日目方見一醫與青礞石藥予曰今夜死矣不悟此病得之氣大虛今不救其虛而反用礞石不出此夜必死果至夜半死○一男子四十餘歲

入醫學綱目卷三

三

形實平生好飲熱酒忽目盲脈濇此因熱酒所傷胃氣汚濁之血死在其中而然也遂以蘇木作湯調入參膏飲之服二日鼻內兩手掌皆紫黑予曰此病退矣滯血行矣以四物加蘇木桃仁紅花陳皮煎調入參耒服數日而愈○一男子五十五歲九月間早起忽開眼無光視物不見急就睡片時却能見人物竟不能辨其何人何物飲食減平時之半神思極倦脈之緩大四至之上重按則散而無力予作受濕治詢之果因臥濕地半箇月得此証遂以白朮爲君黃芪茯苓陳皮爲臣附子爲佐十餘貼而安

右三方治目不明皆爲氣脫而用參朮追回者也經云上焦開發宜五穀味薰膚充身澤毛若霧露之漑是謂氣脫者目不明卽其證也

人參補胃湯治勞役飲食不節內障眼病此方神効

黃芪根一兩

人參兩

甘草錢八

蔓荊子二錢

白芍藥錢三

黃栢三錢酒淬四

右咬咀每服三四錢水一大盞煎至一盞去查稍熱服

臨臥三五服兩目廣大視物如常惟覺兩腳踏地不知高下蓋火伏升發故也病減住服七日再服此藥宜春

間服之

益氣聰明湯治飲食不節勞傷形體脾胃不足內障耳鳴或多年視物昏暗令目廣大久服無內障耳鳴耳聾之患又令精神倍常飲食增倍身輕體健耳目聰明

黃芪兩

甘草根錢六

人參兩

升麻根三錢

葛根三錢

蔓荊子一錢

白芍藥錢一

黃栢一錢酒洗四次

炒黃

右咬咀秤二錢水二鍾煎至一鍾去查熱服臨臥服五

醫學綱目卷三

五

更再煎服之得睡更妙如煩亂或有熱春月漸加黃栢夏月倍之如脾胃弱去之熱減亦少用但有熱或麻木或上壅頭目三兩服後其熱皆除又治老人腰以下沉重疼痛此藥久服治人上重反有精神兩足輕浮不知高下空心服之或少加黃栢輕浮自減小兒減服多則壅滯若治倒捷去黃栢芍藥忌煙火酸物

圓明內障升麻湯治內障得之脾胃元氣衰弱心火與三焦俱盛為此疾劉舜卿因南征飲食失節形體勞役心不得休息眼疾復作今擬此方服之効

柴胡根七錢

羌活根半兩

防風根兩半

白朮

升麻錢

歸根酒洗

升麻根各一兩

白芍六錢

乾薑一錢

五味子二錢

人參

葛根

黃芪各一兩

白茯苓三錢

右咬咀每服五六錢水三大盞煎至二盞入黃芩黃連湯二錢同煎數沸去查煎至一盞食後熱服

黃芩黃連湯一方有升麻五錢紫胡一兩

黃芩酒洗炒黃連去鬚酒洗炒七錢草龍膽一兩酒洗炒四次

生地酒洗

右咬咀每服二錢入水二盞煎數沸去查再煎至一盞熱服午後晚間俱不可服唯午飯時服之方效

復明散治內障

黃芪半錢川芎五分

柴胡

連翹

甘草炙各一錢歸身二錢

蒼朮五分

生地一錢

陳皮五分黃柏三分

右剉如麻荳大每作一服水二大盞煎至一盞去查稍熱服食後忌酒濕麪辛熱大料之物

入醫學綱目卷三

雷

左四方治目不明皆氣虛而未脫故可與參芪中微加連栢若氣既脫則黃栢等涼劑不可施經云陽氣者煩勞則張精絕目盲不可以視耳閉不可以聽之類是其鑿也

血虛則睛散大視物花也

內障瞳子散大論并方腎主骨之精為瞳子散大者因腎水虛骨枯而心包絡之火得以乘之○凡心包絡之脈出於心中代心君行事也與少陽為

表裏瞳子散大者少陰心之脈挾目系厥陰肝之脈連目系心主火肝主木此木火之勢盛也其味則宜苦宜酸宜涼大忌辛辣熱物是瀉木火之邪也飲食中常知此理可也
以諸辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此物能損胃氣胃氣不行則元氣不生元氣不生緣胃氣下陷胃中三焦之火及心火乘於肺上入胃灼髓火主散益瞳

子之散大者以此大熱之物直助火邪尤爲不可食也藥
中去莖蔚子以味辛及主益肝是助火也故去之加黃芩
半兩黃連三錢黃連瀉中焦之火黃芩瀉上焦肺火以酒
洗之乃寒因熱用也亦不可用青箱子爲助陽火也更加
五味子三錢以收瞳人之散大也且火之與氣勢不兩立
故經曰壯火食氣氣食少火少火生氣壯火散氣諸酸物
能助元氣孫真人云五月常服五味子助五臟氣以補西
方肺金又經云以酸補之以辛瀉之則辛瀉氣明矣或曰
藥中有當歸其味亦辛甘而不去何也此一味辛甘者以
其和血之聖藥也况有甘味又欲以爲鄉導爲諸藥之使
故不去也

熟地黃九治血弱氣虛不能養心致火旺於陰分瞳子散
大小陰爲火君主無爲不行其令相火代之與心包絡之

醫學綱目卷五

五

脈出心系分爲三道少陽相火之體無形其用在其中矣
火盛則能令母實乙木肝旺是也其心之脈挾目系肝之
脈連目系况手足少陽之脈同出耳中至耳上角斜起終
於目外小眥風熱之盛亦從此道來上攻頭目致偏頭腫
悶瞳子散大視物昏花血虛陰弱故也法當養血涼血益
血收火散火而除風熱則愈矣

熟地一兩

歸身酒洗

柴胡去苗

天門冬去心

錢

人參去蘆

甘草炙

地骨皮三錢

黃芩半兩

枳殼炒

五味子三錢

生地黃七錢

浸

黃連三錢

右爲細末煉蜜丸如棗荳大每服一百丸茶湯送下食
後日二服制之緩也大忌辛辣物而助火邪及食寒冷
物損其胃氣藥不上行也又一論云瞳子黑眼法於陰

由食辛熱之物助火乘於胃中其睛故散睛散則視物亦大也

益陰腎氣丸 此壯水之主以鎮陽光也

山茱萸一兩 取皮 去心 茯苓二錢 半 五味五錢 熟地二兩

乾山藥五錢 澤瀉二錢 半 牡丹皮五錢 生地酒洗 焙 乾 一兩

歸稍酒洗 五錢

右為細末煉蜜丸如桐子大硃砂為衣每服五七十九

淡鹽湯送下

滋陰地黃丸治內障右眼小眦青白翳大眦亦微顯白翳

腦痛腫子散大上熱惡熱大便澁後吞難小便如常遇熱

煖處頭疼暗脹能食日沒後天陰暗則昏此症可服熟地

黃丸翳在大眦加葛根升麻翳在小眦加柴胡羌活

熟地八錢 生地酒洗 半兩 歸身酒洗 半兩 知母酒洗 炒 半兩

入醫學綱目卷五

三五

丹參半兩 黃栢酒浸 焙 半兩 芍藥一兩 防已酒洗 焙 二錢

羌蔚子兩 半 牡丹皮三錢 寒水石一錢 生用 柴胡兩 半

黑附錢 一 川芎錢 二

右為細末煉蜜丸如小葶大空心五十九白湯下如宿

食未消候飢時服之餌後忌言語隨後食壓之

保當歸湯治翳補益瞳子散大

歸身 黃芩各 錢 黃連 地黃各 三 錢

柴胡一錢 芍藥二錢 甘草炙 三 錢

右水煎臨臥服

羅甘菊花丸治男子腎臟虛弱眼目昏暗或見黑花常服

明目煖水臟活血駐顏壯筋骨

甘菊花去土 二兩 枸杞四兩 熟地三兩 乾山藥兩 半

右為細末煉蜜丸如桐子大每服三四十丸空心食後

各一眼溫水下

瑞竹四神丸治腎經虛損眼目昏花補虛益損及兩眼雲翳遮睛

甘州枸杞一斤揀去白穰青苑者一味分作四分一

香茴香各一兩炒一兩四錢用川椒一兩炒一兩四錢用乳

右件炒過將川椒等四味篩去不用止用枸杞子加熟

地白朮茯苓各一兩同為細末煉蜜為丸如桐子大每

服五七十九空心溫酒送下加甘菊一兩尤妙

右地黃枸杞補腎例按瞳子散大不當用羌蔚川芎附

子今東垣滋陰地黃丸兼用者蓋有外障大小皆之醫

故也

保柴胡散明目益腎水

柴胡 羌活 防風 生地

醫學綱目卷五

五

芍藥 甘草 各等

右為麤末水煎臨臥服

脾受邪者血病

東垣云肝木旺則火之勝無所畏懼而妄行也故脾胃先

受之或病目而生內障者脾裹血胃主血心主脈脈者血

之腑也或曰心主血又云脈主血肝之竅開於目也亦前

氣無歸者目昧

熱地黃丸之類是也

河目昧不明熱也然玄腑者無物不有人之臟腑皮毛肌

肉筋膜骨髓牙爪至於世之萬物盡皆有之乃氣出入升

降之道路門戶也人之眼耳鼻舌身意識能為用者皆

升降出入之通利也有所閉塞者不能為用也若目無所

見耳無所聞鼻不聞臭舌不知味筋痿骨痺爪退齒腐毛

髮墮落皮膚不仁腸胃不能滲泄者悉由熱氣怫鬱玄臟

閉密而致氣液血脈榮衛精神不能升降出入故也各隨

鬱結微甚而為病之輕重故知熱鬱於目則無所見也故目微昏者至近則轉難辨物由目之玄腑閉小如膈簾視物之象也或視如蠅翼者玄腑有所閉合者也或目昏而見黑花者由熱氣甚而發之於目亢則害承乃制而反出其泣氣液昧之以其至近故雖微而亦見如黑花也

誠哉河間斯言也目盲耳聾莫不聞鼻舌不知味手足不能運用者皆由其玄腑閉塞而神氣出入升降之道路不通利故先賢治目昏花如羊肝丸用羊肝引黃連等藥入肝解肝中諸鬱蓋肝主目肝中鬱解則目之玄腑通利而明矣故黃連之類解鬱熱也椒目之類解濕熱也芫蔚之類解氣鬱也芎歸之類解血鬱也木賊之類解積鬱也羌活之類解經鬱也磁石之類解睡鬱墜邪氣使下降也蔓菁下氣通中理亦同也凡此諸劑皆

治氣血鬱結目昏之法而河間之言信不誣矣至於東垣丹溪治目昏用參芪補血氣亦能明者又必有說通之蓋目主氣血盛則玄腑得利出入升降而明虛則玄腑無以出入升降而昏此則必用參芪四物等劑助氣血運行而明也

羊肝丸三方又散一方並見肝條治肝中諸鬱目昏如神本治久年眼生黑花不明者

椒目炒一兩 蒼朮炒二兩

右件為末醋糊丸如桐子大每服二十九醋茶送下不過十日取效丹溪云椒目行參道不行也

外補肝散治三十年失明羨黎子七月七日收陰乾搗散飲食後水服方寸七

崔但瞳子不壞者療十得九愈蔓菁子六升蒸之看氣遍

用甌下釜中熱湯淋暴乾還淋如是三遍即取杵篩為末
食上清酒調二錢送下日再服本草云蔓菁子下氣利五
臟又利大便通中益氣
經治虛勞目暗昧三月蔓菁花陰乾為末以井花水空心
調下二錢七久服長生

內障取
足厥陰
太陽手
少陰

世五福還瞳丹治目白翳赤石脂川椒二味同炒辰砂茯
神乳香肉為丸如桐子大空心溫酒下百九十服見効

按內障先患一目次第相引兩目俱損者皆有翳在黑
睛內遮瞳子而然今詳通黑睛之脈者目系也目系屬
足厥陰足太陽手少陰三經蓋此三經臟腑中虛則邪
乘虛入經中鬱結從目系入黑睛內為翳龍木論所謂
腦脂流下作翳者即足太陽之邪也所謂肝氣衝上成
翳者即足厥陰之邪也故治法以針言之則當取三經
之腧穴如天柱風府太衝通里等穴是也其有手巧心
審諦者能用針於黑眼裏撥其翳為効尤捷也以藥言
之則當補中疎通此三經之鬱結使邪不入目系而愈
今集龍木論并方于後

龍木論羚羊角飲子治圓翳內障不痛不痒

羚羊

三兩

細辛

知母

車前子

人參

黃芩各二兩

防風二兩

右為末每一錢以水一盞煎至五分食後去渣溫服之
補肝散治肝風內障不痛不痒眼見花發黃白黑赤或一
物二形

羚羊角

防風各三兩

羌活

車前子一兩

人參

茯苓各二兩

細辛

玄參

黃芩炒各一兩

右為末食後調服一錢米飲湯下

羚羊角散治綠風內障頭旋目痛眼內痛澀者

羚羊角 防風 知母 人參

茯苓兩一 玄參 黃芩 桔梗略一

細辛兩三 車前子兩一

右為末以水一盞散一錢煎五分食後去渣溫服

羚羊角湯治青風內障勞倦加昏重頭旋腦痛眼內痛澀

者

羚羊角 人參 玄參 地骨皮

羌活兩一 車前子兩一

右為末以水一盞散一錢煎至五分食後去渣溫服

右四方皆羚羊角玄參細辛羌活防風車前子為君蓋

羚羊角行厥陰經藥也丹溪云羚羊角入厥陰經甚捷

是也玄參細辛行少陰經藥也海藏云玄參治空中氣

入醫學綱目卷三

甲

氤之氣無根之火為聖藥也羌活防風車前子行太陽

經藥也如筋脈枯澀者諸方中更加夏枯草能散結氣

有補養厥陰血脈之功嘗試之有驗然此諸方又當悟

邪之所在若氣脫者必與參膏相半服之氣虛者必與

東垣補胃人參湯益氣聰明湯之類相半服之血虛者

必與熟地黃丸之類相兼服之更能內觀靜守不于塵

累使陰氣平伏方許作効

蘆薈丸黑水凝翳內障不痛不痒微有頭旋脈澀者

蘆薈 甘草各一 人參 牛膽各半

栝子仁 細辛各一 羚羊角二兩

右為末煉蜜為丸如栝子大空心茶下十九

障翳丸治偃月翳束花翳等病微有頭旋額痛者

青羊膽 青魚膽 鯉魚膽各七 熊膽一分

肝中熱

牛膽兩

麝香許

石決明

右為末麪糊丸如桐子六空心茶下十九

除風湯治五風變成內障頭旋偏腫痛瞳人結白者

羚羊角

車前子

芍藥

人參

茯苓

大黃

黃芩

芒硝各一兩

右為末水一盞散一錢煎至五分食後去渣溫服

磁石九治雷風內障頭旋惡心嘔吐

磁石燒赤醋

五味子各一兩

牡丹皮

乾薑

玄參各一兩

附子炮半兩

右為末煉蜜丸如桐子大食前茶下十九

本治目方用黃連多矣而羊肝丸尤奇異用黃連末一兩

白羊肝一具去膜同於砂盆內研令極細舉手撚為丸如

桐子大每服以溫水下三十九連作五劑但是諸眼目疾

醫學綱要卷三

聖

及障翳青盲皆治忌猪肉冷水唐崔承元為官治一死囚

出活之後數年以病目致死一日崔為內障所苦喪明逾

年後半夜獨坐自歎忽聞階除窸窣之聲崔問是誰徐曰

昔年蒙恩活囚也今來報恩遂將此方告訖而沒依此合

服不數月眼復得明

又方治內障

白羯羊肝只用子肝一片

薄切新瓦上焙熟地半兩

兔絲子

麩仁

車前子

麥門冬

地膚子去

澤瀉

防風

黃芩

白茯苓

五味子

桂心

杏仁炒

細辛

枸杞子

茺蔚子

苦葶藶

青箱子各一兩

右為細末煉蜜丸如桐子大每服三四十丸溫水下日

三服不拘時候張臺卿嘗苦目暗京師醫署令灸肝俞

遂轉不見物因得此方眼目遂明一男子內障醫治無
効因以餘劑遺之一夕燈下語其家曰適偶有所見如
隔門縫見火者及旦視之眼中翳膜俱裂如線張云此
藥靈勿妄與人忽之則無驗予益信之且欲廣其傳也
經云肝虛則目眈眈無所見耳汨汨無所聞善恐如人將
捕之狀海藏云目瞑肝氣不治也

肝氣虛
又鎮肝明目羊肝丸

羯羊肝

一具新瓦盆中煨了更
焙之肝大止用一半

甘菊

羌活

栝子仁

細辛

官桂

白朮

五味子各半
黃連分三

右為細末煉蜜丸如桐子大空心食前溫水下三四十
丸

子補肝散治目失明方

醫學綱目卷三十一

聖

青羊肝

一具去膜薄切之以新瓦瓶子未用
者入肝瓶中炭火炙之為極細末

蓼子令香

右為末食後服方寸七日之加至三七不過一二劑能
一歲服可夜讀細書

治目眈眈無所見方用青羊肝一具細切以水一斗銅器
中煮以麩餅覆上上鑽兩孔如人眼大以目向就薰不過
再薰即瘥

濟養肝丸治肝血不足眼目昏花或生眵淚

再薰即瘥

肝血不足

當歸洗

車前子酒蒸

防風去

白芍藥

麩仁另

熟地酒蒸

川芎

枳實各等分

右為末煉蜜丸如桐子大每服七十九熟水送下不拘
時

時

本素問云久視傷血血主肝故勤書則傷肝主目昏肝傷

則自生風熱氣上騰致自昏亦不可專服補藥但服益血鎮肝明目藥自愈

熟地黃丸

熟地半兩

黃連

決明子

各一兩 沒藥半兩

甘菊花二兩

防風

羌活

各一兩 桂心五錢

硃砂五錢

右為細末煉蜜丸如桐子大每服三十九丸熟水下食後

日三服

膽熱

子明目髮不落方用牛膽浸槐子陰乾百日食後每日吞一枚十日身輕三十日白髮再黑百日通神

膽移熱於腦則辛頰鼻淵傳為衄膿眼目全文見診 病諸變

腎虛

經云腎足少陰之脈是動則病坐而欲起目眈眈如無所見○又云少陰所謂起則目眈眈無所見者陰內奪故目

入醫學綱目卷三

聖

眈眈無所見也此蓋房勞目昏也

左腎虛

治腫子散大諸方並見前陰虛睛散大視物花條

東益本滋腎丸

必與前陰虛睛散大條相兼服

知母去毛碎酒洗炒各等分

右為極細末滴水丸如桐子大每服一百五十九丸熱湯

送下空心服服後以乾物壓之

右腎虛

濟補腎丸治腎氣不足眼目昏暗瞳人不明漸生內障

磁石煨醋煅七次水飛過

熟地酒蒸

枸杞子

楮實子

五味子

肉蓯蓉酒浸焙

車前子酒蒸

石斛去根各焙

右為末煉蜜丸如桐子大每服七十九丸空心鹽湯下

補腎雜

千神麩丸主明目百歲可讀細書

神麴四兩

磁石煖醋焯七次一兩

光明砂水飛一兩

右爲末煉蜜丸如桐子大每服五丸米飲下食前日三服常服益眼力此方神驗不可具述

外治積年目失明不識人决明子二升杵散食後以粥飲

服方寸七本草云决明子微寒助肝氣益膽水

千白瓜子七升絹袋盛攪沸湯中三遍暴乾以酢五升浸

一宿暴乾爲末酒調方寸七服日三服之至百日可夜讀

書本草云白瓜子平寒外臺名補肝散王五勞七傷酢醱入肝

運氣

運氣目昏有四

一曰風熱經云少陰司天之政風熱布雲物沸騰太陰

橫流寒乃時至往復之作民病聾瞶此風熱蒸布目昏也

二曰熱經云少陰在泉熱淫所勝病目瞑治以醎寒此熱

勝目昏也

醫學綱目卷三

雷

三曰風又云歲水不及濕乃大行復則大風暴發日視眊

眊此風勝目昏也

四曰燥經云陽明司天燥淫所勝目昧眚湯治以苦熱是

也

本讀書之苦傷肝損目誠然晉范甯嘗苦目痛就張湛求

方湛戲曰古方宋陽子少得其術以授魯東門伯次授左

丘明遂世世相傳以及漢杜子夏晉左太冲凡此諸賢並

有眼目疾此方用損讀書一減思慮二專內視三簡外觀

四宜起晚五宜早眠六凡六物燉神火下以氣簇纏於胸

中七日然後納諸方寸修之一年近能數其目睫遠視尺

箠之餘長服不已洞見牆壁之外非但明目乃亦延年雷

如是而行非可謂嘲戲亦奇方也

羅省郎中張子敬年六十七歲病眼目昏暗微黑色皮膚

不澤六脈弦細而無力一日出示治目二方問予可服否
予曰此藥以黃連太苦之藥爲君諸風藥爲使且人年五
十膽汁減而目不明內經云土位之主其瀉以苦瀉風藥
亦能瀉土年六十脾胃虛而皮肉枯重瀉其土使脾胃虛
而不能營運榮衛之氣滋養元氣胃氣不能上行膈氣吐
食諸病生矣又况年高衰弱此藥不可服只宜慎言語節
飲食懲忿窒慾此不治之治也子敬以爲然明年春除關
西路按察司三年致仕還精神清勝脈遂平和此不服寒
涼之劑也內經云誅伐無過是謂大惑解之可也

靈黃帝曰人之哀而涕泣者何氣使然岐伯曰心者五臟
六腑之主也目者宗脈之所聚也上液之道也口鼻者氣
之門戶也故悲哀愁憂則心動心動則五臟六腑皆搖搖
則宗脈感宗脈感則液道開液道開故涕泣出焉液者所

入醫學綱目卷五

聖

以灌精濡空竅者也故上液之道開則泣泣不止則液竭
液竭則精不灌精不灌則目無所見矣故命曰奪精補天
柱經俠頸俠頸謂頭中分也

針灸

針灸內障有四法此篇是其一也

其二取肝經曰肝虛則目眈眈無所見善恐取其經厥陰
與少陰取血者是也

其三取腎經云腎足少陰之脈是動則病目眈眈無所見
視寒熱虛實取之也

其四取陽蹻經云邪之所在皆爲不足上氣不足目爲之
瞑補足外踝下留之是也

玉眼久病昏花

肝膈一分沿皮向外一寸半補三呼

三里一寸瀉

童子竅

子和戴人女僮至西華目急暴盲不見物戴人曰此相火

也太陽陽明氣血俱盛乃刺其鼻中攢竹穴與項前五穴
大出血目立明

甲青盲遠視不明承光主之○瞳子蹇遠視昏眈眈夜無
見目潤動與項口相叅引喎僻口不能言刺承泣 目瞑
身汗出承漿主之

撮要眼無光○商陽一分沿皮向後
三分瀉之灸

甲青盲商陽主之○眇目眇眇偏歷主之○眇目眇
眇少氣灸手五里左取右右取左○目瞑遠視眇眇目窻
主之○青盲眇目惡風寒上關主之

金針開
內障法
龍木論內障根源歌

不疼不痛漸昏蒙 薄霧輕烟漸漸濃
或見蛇飛花亂出 或如絲絮在虛空
此般狀樣因何得 肝臟停留熱與風

入醫學綱目卷五

巽

大叫大啼驚與恐 腦脂流入黑睛中
初時一眼先昏暗 次第相牽與一全
苦口何須陳逆耳 只緣肝氣不相通
此時服藥耳銷定 將息多垂卽沒功
日久既應全黑暗 時名內障障雙瞳
名字隨形分十六 龍師聖者會推窮
靈藥這回難得効 金針一撥日當空
強脩將息依前說 莫遣依前病復踪

針內障眼法歌

內障由來十六般 學醫人子審須看
分明一一知形狀 下針方可得安然
若將針法同圓翳 誤損神光取瘥難
冷熱光明虛與實 調和四體待令安

不然氣悶違將息
咳嗽震頭昏未得
若求涼藥銀膏等
老醫細針物復嫩
病虛新產懷娠月
不雨不風兼皓月
安心定意行醫道
患者向明盤膝坐
針者但行賢哲路
有血莫驚須在手
忽然驚振醫重下
七日解封難見日
還晴丸散墜心服

嘔逆勞神翳却翻

多驚先服鎮心丸

用意臨時體候看

針形不可一般般

下手纔知將息難

清齋三日在針前

念佛親觀莫雜喧

提撕腰帶得心安

惻隱之情實善緣

裏封如舊再開看

服藥三旬見朗然

花生水動莫它言

百日分明復舊根

入醫學綱目卷三

星

針內障後法歌

內障金針針了時

綿包黑豆如毬子

臥眠頭枕須安穩

封後忽然微有痛

或針或絡依經法

擬吐白梅含咽汁

起則恐因遭努損

七朝鼓粥溫溫食

大小便時須緩緩

高聲叫喚言多後

如此志心三十日

狂心莫憶陰陽事

醫師言語要深知

眼上安排日係之

仰臥三朝莫厭遲

腦風牽動莫它疑

痛極仍將火慰之

吐來仰臥却從伊

雖然希有也須知

震着牙開事不宜

無令自起與扶持

驚動睛輪見雪飛

漸行出入認親知

夫婦分牀百日期

一月不須臨洗面

針痕濕着痛微微

五腥酒麪周年斷

服藥平除病本基

右龍木論金針開內障大法謹按其法初患眼內障之時其眼不痛不澀不痒頭不旋不痛而翳狀已結成者宜金針撥去其翳如撥雲見日而光明也今具其畧于後

開內障圖

圓翳初患時見蠅飛花發垂蟻薄烟輕霧先患一眼次第
針去一撥○滑翳翳如油點淨水中陽看則小陰看則大金
翳形睛之深處細看○橫翳橫如劍脊兩邊薄中央厚宜
方見宜針深撥之○翳皆先患一日向後俱損初患之時其眼痛澀頭旋顛痛
旋顛痛者宜○水翳初患時頭旋顛痛者眼臉骨鼻頰骨
針輕撥之○刺堅白宜干所過經脈針其內赤澀先患一眼向後翳如水
穴忌出血宜針撥動不宜強撥○偃月翳初患時微微頭
痛先患一眼向後俱損初患之時其眼痛澀頭旋顛痛

八醫學綱卷三

四

目次第相牽但損翳一半厚○東花翳初患時微有頭旋
痛先患一眼向後俱損初患之時其眼痛澀頭旋顛痛
撥去莫留短時兼于所過之經針灸其輪○散翳翳如青
針白宜○黑水凝翳初患時頭旋顛痛見花黃黑○驚振
針撥之○頭腦被打築惡血流入眼內至二三年成翳翳
雖不痛不痒其翳黃色紅色者不宜針撥翳狀破散者不
宜針撥中心濃厚者不宜針撥撥之不動者曰死翳忌撥
獨白翳黃心宜先服藥後針之若無翳者名曰風赤不宜
針

白翳黃心翳四邊白中心黃者先服逐翳散次針足經所
過諸穴後用金針輕撥若先患一眼向後俱損
○烏風無翳但瞳人小三五虛宜藥補不宜藥濁○肝風
無翳眼前多見虛花或白或黑或赤或黃或○五風變初
見一物二形或二眼同患宜補治切忌房勞○五風變初
時頭旋顛痛或一目先患或困○綠風偏痛連眼臉眉及
嘔吐變目俱暗腫子白如霜○黑風初患時頭旋顛痛
鼻頰骨痛眼內高澀先患一眼向○黑風初患時頭旋顛痛
後俱損無翳目見花或紅或黑

頰骨痛眼內痛滋先患一眼
○青風初患時微有痛滋頭
向後俱損無翳張見黑花
後俱加昏重○雷頭風變
初患時頭旋惡心嘔吐先患一
勞能加昏重○雷頭風變
目次第相牽俱損睡人或大成
小凝脂
結白

陰虛不能近視

能遠視不能近視 能近視不能遠視

東能遠視不能近視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣之來也徐而和細細如線邪氣之來也緊而強如巨川之水不可遏也

海目能遠視責其有火不能近視責其無水法當補腎

東地芝丸治目不能近視能遠視及大厲風成癩悉皆治之

生地焙四兩

天門冬去心四兩枳殼炒二兩

甘菊花去皮二兩

右同為細末煉蜜丸如桐子大每服一百丸茶清送下

醫學綱目卷三

芻

溫酒亦下食後六味地黃丸亦治此症

陽虛不能遠視

能近視不能遠視者陽氣不足陰氣有餘乃氣虛而血盛也血盛者陰火有餘也氣虛者元氣衰弱也此老人桑榆之象也

海目能近視責其有水不能遠視責其無火法宜補心

東定志丸

治眼不能遠視能近視者

遠志

去苗心二兩

人參兩

白茯苓去皮

兩 菖蒲二兩

右為末煉蜜丸硃砂為衣每服十九丸加至二十九

雀目 日落即不見物

濕痰

無蛤蚧丸治雀目日落不見物

蛤粉細研

黃蠟等分

右溶蠟搜粉為丸如棗大每用猪肝一片二兩許批開

裹藥一丸麻線纏入窠內小一碗煮熟取出棄熱薰目

至溫吃肝以愈為度神效

子雀目方

地膚子錢 決明子升

右二味為末以米飲汁和丸食後服二十九至三十九

日日服至瘥止

世治雀目用蒼朮四兩米泔水浸一宿切作片焙乾為末每服三錢猪肝二兩批開糝藥在內用麻線繫定粟米一合水一碗砂鍋內煮熟熏眼候溫臨臥服之大効

聖治雀目眼不計時月用蒼朮一兩搗羅為末每服一錢

不計候

針灸

心雀目不能夜視 神庭 土星 前頂 百會各出血

之立 又法 照海 肝俞

目淚不止

入醫學編卷三

手

火氣燭目淚出

素厥則目無所見夫人厥則陽氣并於上陰氣并於下陽并於上則火獨光也陰并於下則足寒足寒則脈也夫一水不勝五火故目瞽盲是以氣衝風泣下而不止夫風之中目也陽氣內守於精是火氣燭目故見風則泣下也有以此之夫火疾風生乃能雨此之類也脈解精微論子和凡風衝淚出俗言作冷淚者非也風衝于內火發于外風熱相搏由是淚出內外皆治可愈治外以貝母一枚白膩者加胡椒七粒不犯銅鐵研細臨臥點之治內以當歸飲子服之

當歸

大黃

柴胡

人參

黃芩

甘草

芍藥各一兩

滑石半兩

右切碎每服三錢至五錢水一盞生薑三片同煎七分去查溫服

寒濕積
滯淚出

肝為淚全文見五臟

垣水附木勢上為眼澁為眇為冷淚此皆由肺金之虛而肝木寡於畏也

孫英宗朝國婆婆患眼冷淚眼科醫官治二三年不能療上召孫孫至曰臣非眼科但有藥耳容進方用石決明一兩赤小豆一兩半半夏五錢生班猫二十一粒炒去頭足木賊五錢為末薑汁丸如桐子大每服二十九薑湯下方進聖旨下眼科詳定眼科醫官奏曰此方於眼科甚不相涉班猫有毒恐傷臟腑不敢用合再取聖旨國婆婆聞之曰眼科醫官不惟不能亦不愿使我治也但合此藥總傷無怨上聞之孫自進藥服經十餘日愈八分二十日全愈時眼科並降兩官孫賞錢三十萬
銀海止淚方

醫學綱目卷三

三

蒼朮

米泔浸一兩半木賊去節

香附子炒去毛

右為末煉糊丸如桐子大食後鹽湯下三九

汗多淚出者風寒入胃

經云風氣與陽明入胃循脈而上至目內眥則寒中而泣出此中風寒淚出也

河當歸湯治風邪所傷寒中目淚自出肌瘦汗不止

當歸

人參各三兩

官桂兩

乾薑炮

白朮

白茯苓

甘草

川芎

細辛

白芍藥各半兩

陳皮一兩

右為末每服二錢水一盞生薑三片棗二枚同煎至八分去查熱服不計時併三服

雜方

本治頭風冷淚龐安常二方

甘菊

決明子各二錢

白朮

羌活

川芎

細辛

白芷

荆芥穗各半兩

右為細末每服一錢溫湯調下食後日三服
又方

川芎 甘菊 細辛 白朮

白芷已上各等分

右為末蠟丸如黍米大夜臥服一九日中一時辰換一丸

本治風盛陷壅鼻塞清涕熱氣攻眼下淚多眇齒間緊急作頭痛川芎丸

川芎 柴胡各一兩 半夏 甘草灸

甘菊 人參 前胡 防風各半兩

右每服四錢水一盞生薑四片薄荷五葉同煎七分去查溫服

靈五臟六腑心為之主耳為之聽目為之視肺為之相肝

入醫學綱目卷五 垂

為之榮脾為之衛腎為之主外故五臟六腑之津液盡上滲于目心悲氣并則心系急心系急則肺舉肺舉則液上溢夫心系與肺不能常舉乍上乍下故欬而泣出矣
丹婦人患眼眇不思食四物湯加白朮陳皮黃芩連翹分六貼煎食前熱服 又灸合谷

肘治眼淚出不止用黃連濃漬綿乾拭目

山風淚眼九節黃連和槐樹皮灰麤末煨湯澄清頻洗

垣神効明目湯連翹飲子治淚不止二方並見倒捷率毛

運氣 運氣淚出皆從風熱經曰厥陰司天之政三之氣天政布

風乃時舉民病泣出是也

針灸 巢迎風冷淚眇瞤黑花 大骨空小骨空如上述灸 二

間刺一分沿皮向後 合谷灸針

風沿爛眼

風熱

丹風沿眼系上膈有積熱自飲食中挾怒氣而成頑痰痞塞濁氣不降清氣不上升由是火益熾而水益降積而久也眼沿因膿潰而腫於中生細小虫絲遂年久不愈而多痒者是也用紫金膏以銀釵脚措去油膩點之試問若果痒者又當去虫以絕根本蓋紫金膏止是去濕與去風涼血而已若前所謂飲食挾怒成痰又須更與防風通聖散去硝黃為細末以酒拌勻晒乾依法服之禁諸厚味及大料物方盡諸法之要

紫金方未詳即蘭室秘藏眼目門還睛紫金丹是也

防風通聖散

方見

世蘆甘石散治爛風眼以蘆甘石不拘多少先用童便煨七次次用黃連濃煎汁煨七次次用谷雨前茶清濃煎煨七次又併三汁餘者一處再煨三次然後安放地上一宿出火氣細細研入冰片射香點上神妙蘆甘石煨時須用

入醫學綱目卷五

垂

好紫銷炭極大者鑿一穴以安蘆甘石

再治風沿爛眼二蚕沙用香油浸月餘重綿纏過點之愈久愈妙

世紫金膏用水飛過號丹蜜多水少文武火熬以器貯點

保治眼赤暗以青泥蛆淘淨晒乾末之仰臥合目用藥一錢放眼上須臾藥行待少時去藥赤暗自無

東垣目眶赤爛歲久俗呼赤暗是也常以三稜針刺目外以洩濕熱立愈

針灸

撮要風弦爛眼 大骨空 在手大指第二節尖灸九壯以口吹火滅 小骨空

在手小指二節尖灸七壯亦吹火滅

倒睫拳毛

陽虛

眼睫毛倒入眼中夾是也

神效明目湯治眼榜緊急致倒睫拳毛損目及上臉皆赤爛睛亦疼痛昏暗目則冷淚長流夜則眼眵滿眼

葛根半錢 甘草根各二錢 防風根一錢 蔓荊子分五

又一方加黃芪根錢一

右吹咀作一服水一盞八分煎至一盞去渣稍熱臨臥服効

防風飲子治倒睫拳毛

黃連炒 甘草炙 人參各一錢 葛根

防風各五分 歸身半錢 細辛葉 蔓荊子各三分

右剉如麻荳大都作一服水二大盞煎至一盞去渣溫服食後避風寒濕熱處眠之

神效黃芪湯治渾身麻木不仁及兩目緊急縮小羞明畏

醫學綱目卷三

五

日或隱澁難開或視物無力睛痛昏花手不得近或目少睛光或目中熱如火服五六次神効

黃芪兩二 人參去蘆 甘草炙一兩 蔓荊子剉二錢

白芍藥兩 陳皮去白半兩

右吹咀每服四五錢水一盞八分煎至一盞去渣臨臥稍熱服如小便淋澁加澤瀉五分如有大熱證加黃柏三錢酒浸四次炒如麻木不仁雖有熱不用黃柏再加黃芪一兩如眼縮小去芍藥忌酒醋濕麪大料物蔥韭蒜及淡滲生冷硬物如麻木重甚者加芍藥一兩木通一兩

一兩

撥雲湯戊申六月徐總官患眼疾於上眼皮下出黑白翳二箇隱澁難開兩目緊急而無疼痛兩手寸脈細緊按之洪大無力知足太陽膀胱為命門相火煎燉逆行作寒水

醫及寒膜遮睛與下項一服神効外證呵欠善悲健忘雙噴時自淚下面赤而白能食不大便小便數而欠氣上而喘

黃芪七分 細辛葉五分 柴胡七分 生薑

荆芥錢 防風半錢 羌活半錢 藜本一錢

甘草稍一錢 升麻一錢 葛根五分 川芎五分

知母錢 黃柏半錢 歸身錢

右劉如麻荳大作一服水二大盞煎至一盞稍熱服

連翹飲子治目中溜火惡日與火隱澁小角偏緊久視昏

花迎風有淚

蔓荊子 甘草 連翹各三分 柴胡二分

酒黃芩五分 生地三分 防風一分 人參三分

黃芪五分 紅葵花三分 升麻一錢 歸身三分

醫學綱目卷五 聖

羌活五

右咬咀每服五錢水二盞煎至一盞去查稍熱食後服

前一方治倒睫拳毛後三方治眼楞緊急縮小眼楞緊

縮小者倒睫拳毛之漸也故以其方附於後蓋陽虛則

眼楞緊急陰虛則瞳子散大故東垣治眼楞緊急用參

芪補氣爲君佐以辛味疎散之而忌芍藥五味子之類

酸收是也治瞳子散大用地黃補血爲君佐以酸味收

斂之而忌芫薳子青箱子之類是也

治倒睫眼方以無名異末摻捲在帛中作撚子點着至藥末處吹殺以烟薰之自起

本治倒睫爛弦

蠶沙兩 琥丹五錢

右二味慢火熬成膏入輕粉五分熬黑色逐時湯泡洗

瑞靑黛散治眼倒睫極効

刺

束棘針

白芷

靑黛

右各等分為細末左眼倒睫口喻水左鼻內搗之右眼倒睫右鼻內搗之

山眼毛倒睫摘去拳毛用虱子血點入眼內數次即愈

倒眼生倒睫拳毛由目緊急皮縮之致也蓋內伏熱攻陰

氣外行當去其內熱并火邪使眼皮緩則眼毛立出翳膜

亦退用手法攀出內臉向外刺以三稜針針出熱血以左

爪甲迎住針縫立愈

努肉攀睛

熱

羅還睛散治眼翳膜昏澁淚出瘀血努肉攀睛

川芎

草龍膽

草決明

石決明

荆芥

枳實

野菊花

野麻子

醫學綱目卷三

美

白茯苓

皮法

甘草炙

木賊

白蒺藜

川椒

炒去

仙靈脾

茵陳

已上各半兩

右為細末每服二錢食後茶清調下一日三服忌雜魚

肉及熱麪蕎麥等物一方有楮實子無仙靈脾茵陳枳

殼三味

圖治卒患赤目努肉生內痛者取好梨一箇搗絞汁黃連

三枚碎之以綿裹漬冷色變仰臥注目中

外主目翳及努肉用礬石最白者納一黍米於翳上及努

肉上即冷淚出綿拭之令惡汁盡其疾日減翳自消薄便

瘥礬石須真白者方効

干治目中生息肉翳滿目閉瞳子及生珠管方

貝齒

七枚燒

真珠等分

右為細末如粉以注翳肉上不過五度即瘥

雜方

飛絲塵垢入目

世治飛絲入目者用頭垢點入眼中即出神効○飛絲入眼用柘樹漿點了綿裹筋頭蘸水於眼上繳拭涎毒○治飛絲入目以火麻子一合杵碎并花水一碗浸攪却將古浸水中涎沫自出神効一方用茄子葉碎件如麻子法尤妙

丹飛絲落眼眼腫如眯痛澁不開鼻流清涕用京墨濃磨以新筆塗入目中閉目少時以手張開其絲自成一塊看眼在眼白上却用綿輕輕惹下則愈如未盡再塗此方累効

○治眯目鹽與豉置水中浸之視水其查立出孫真人方

于治稻麥芒入眼取蟻螬以新布覆目上待蟻螬從布上摩之其芒出着布上

山物落眼中用新筆蘸繳出○又方濃研好墨點眼立出

醫學綱目卷三

七

視岐亂見

精不相岐則視

靈帝曰余嘗上清冷之臺中堦而顧匍匐而前則感余私異之竊內怪之獨瞑獨視安心定氣而不解獨搏獨眩被髮長跪俛而視之後久之不已也卒然自上何氣使然岐伯曰五臟六腑之精氣皆注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裹撻筋骨血氣之精而與脈并為系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則目系急目系急則目眩以轉矣邪中其精其精所中不相比也則精散擘散則視岐故見兩物太感論

本荀牧仲頃年嘗謂予曰有人視一物為兩譬作肝氣盛故見一為二服瀉肝藥皆不驗此何疾也予曰孫真人曰

靈樞有云目之系上屬於腦後出於項中云云則視岐故見兩物也令服驅風入腦藥得愈

神勞則
精氣亂
視眩

靈目者五臟六腑之精也榮衛寃寃之所常營也神氣之所生也故神勞則寃寃散志意亂是故瞳子黑眼法於陰白眼赤脈法於陽也故陰陽合轉而睛明也目者心之使也心者神之舍也故神精亂而不轉卒然見非常處精神寃寃散不相得故曰惑也帝曰余疑其然余每之東苑未曾不惑去之則復余唯獨為東苑勞神乎何其異也岐伯曰不然也心有所喜神有所惡卒然相感則精氣亂視誤故惑神移乃復是故問者為迷甚者為惑大惑素夫精明者所以視萬物別白黑審長短以長為短以白為黑如是則精衰矣

右目亂見治法東垣益氣聰明之類是也

醫學淵源卷五

庚

目閉不開

足太陽之筋為目上綱足陽明之筋為目下綱熱則筋縱

目不開全文見筋胸條

眇目直視眇目者目睛針倒不正小兒謂之遍睛

甲眇目者水溝主之

診

針灸

集直視者視物而目睛不轉動者是也若目睛動者非直視也傷寒直視者邪氣壅盛冒其正氣使神氣不慧臟腑之氣不上榮於目則目為之直視傷寒至於直視為邪氣已極證候已逆多難治經曰衄家不可發汗發汗則額上陷脈緊急直視不能眇不能眠以肝受血而能視亡血家肝氣已虛目氣已弱又發汗亡陽則陰陽俱虛所致也此雖錯逆其未甚也逮狂言反目直視又為腎絕直視搖頭又為心絕皆臟腑氣脫絕也直視讖語喘滿者死下利者

診

亦死又劇者發狂則不識人循衣摸床惕而不安微喘直視脈弦澹者死皆邪氣盛而正氣脫也

少陽終者其百節縱目_{繫絕}系_{全文見診生死條目系絕}故目不動而直視王注云

繫謂直視如驚貌○環音瓊

目上視

瞳子高者太陽不足戴眼者太陽已絕_{全文見診生死條目系絕}也

太陽之脈其終也戴眼反折瘳癢

針灸目上視見中風上

醫學綱目卷三

五

杭州圖書館